

COMMENTATIONES
SOCIETATIS REGIAE SCIENTIARUM
GOTTINGENSIS
RECENTIORES
VOLUMEN VII.

AD A. MDCCCXXVIII — XXXI.



CUM FIGURI S.

GOTTINGAE,
SUMTIBUS DIETERICHIANIS.

MDCCCXXXII.

COMMENTATIONES
SOCIETATIS REGIAE SCIENTIARUM
GOTTINGENSIS
RECENTIORES
VOLUMEN VII.

AD A. MDCCCXXVIII — XXXI.



CUM FIGURI S.

GOTTINGAE,
SUMTIBUS DIETERICHIANIS.

MDCCCXXXII.

P R A E F A T I O.

Commentationibus Societatis Regiae, quas nouum volumen complectitur, praemittimus nunc ea, quae annalium eius loco haberi possint.

Et quidem *Directoris* vices annuas inde ab auctumno a. XXVII. sustinuit *Mayer* ex classe mathematica, cui succedit a. XXVIII. in historico - philologica *Tychsen*; huic vero a. XXIX. ex physica classe *Himly*; a. XXX. iterum *Mayer* e mathematica, et post eius obitum adeo inexspectatum ex eadem *Gauß*; iamque a. XXXI e classe historico - philologica denuo *Tychsen*.

Accessiones vero habuit Societas et incrementa insignia his annis, adscriptis in Sodaliū numerum viris spectatissimis et meritissimis.

Et quidem inter sodales Regni Hanauerani extra Gottingam indigenas classis historico - philologicae cooptatus est a. MDCCCXXX. vir per illustris *Carolus Guilielmus Augustus L. B. de Stralenheim I. V. D.* Regi nostro Augustissimo in regundis terris Hannoueranis a sanctioribus consiliis et academiae Georgiae Augustae Curator veneratus.

Ordinariorum vero sociorum numerus exoptatissima augmenta habuit eodem anno classis historico - philologica accessione triumuirorum de uniuersitate Gottingensi litteraria, et nominatim de instituto eius principe et primario, bibliotheca vere regia, meritissimorum

G. Frid. Benecke, Regi ab aulae consiliis,

et fratum coniunctissimorum *Jac. et Guil. Grimm*;

a. vero XXXI. classi mathematicae adscriptus Mayeri dignus successor *Guil. Weber*, antehac Prof. Halensis.

Inter exteros vero societatis sodales electi sunt a. XXX in physica classe

Jo. Frid. Meckel, Borussorum Regi a consiliis medicinalibus sanctioribus et anatomes Professor apud Halenses;

Henr. Lichtenstein, itidem Borussorum Regi a consiliis medicinalibus sanctioribus et Professor naturalis historiae Berolini;

C. Gottl. Kühn, Lipsiae Professor physiologiae et pathologiae;

tumque bini sodales academiae Regiae scientiarum Parisinae,

Lud. Joseph. Gay-Lussac

et *Lud. Jac. Thénard*.

Classi autem mathematicae adscriptus:

J. Fr. Encke, Berolini astronomus Regius,

classique historico - philologicae:

Aug. Boeckh, Borussorum Regi a consiliis regiminis intimis et Berolini Professor eloquentiae.

a. vero XXXI. classi physicae:

Jos. Frank, Joannis Petri quondam nostri filius, Russiae Imperatori a consiliis status, non uno nomine cum scriptis egregiis de arte salutari, tum vero legato insigni, quod Societati nostrae testamento dicauit, meritissimus;

historico-philologicae autem classi:

Chr. Mart. Fraehn, eidem Imperatori quoque a consiliis status publici, itidem scriptis celeber et symbolis, quibus numophylacium bibliothecae nostrae ditauit, non uno nomine promeritus.

Inter amicos vero et familiares sodalitii nostri recepti:

a. XXX. *Leopoldus Gmelin*, collegae quondam nostri et sodalis filius,

et *G. Guil. Muncke*, uterque Magno-Duci Badensi ab aulae consiliis et Professores Heidelbergae;

H. Guil. Brandes, Professor Lipsiensis;

et *C. Lud. Gerling*, Marburgi Professor.

a. vero XXXI. *G. H. Guil. Blumenbach*, Regi a consiliis secretioribus Cancellariae Hannoveranae;

et *C. König*, Regiae Societati Londinensi a litteris secretioribus exteris et naturalis historiae partis musei Britannici director.

Vulnera contra inficta sunt per hos annos Societati grauissima obitu triumvirorum sodalium ordinariorum, de ea longe meritissimorum, *Bouterweckii* inquam et *Sartorii* *L. B. de Waltershausen* a. XXVIII.; *Mayeri* vero a. XXX. quorum quidem memoriae ipso hocce volumine continentur.

Praeter hos vero etiam sequentes viros clarissimos rebus
humanis ereptos accepimus:
et quidem inter eos, qui honorario loco Societati ad-
scripti sunt:

a. XXIX. *Joh. Car. Comitem de Auersperg*, Caesaris
Regis Austriaci Camerarium, et supremum regni Bohemici
iudicem.

Ex sodalibus exteris vero, et quidem physicae classis:

a. XXVIII. *Alb. Thaer*, Dynastam in Moegelin, Borus-
sorum Regi a consiliis intimis;

Car. Petr. Thunberg, Professorem botanices in aca-
demia Upsaliensi;

a. XXIX. *Humphr. Davy*, Equitem Baronetum, Regiae
Societatis Londinensis praesidem;

Nicol. Vauquelin, académiae Regiae Parisinae sodalem;

et a. XXX. *Sam. Thom. a Soemmerring*, Bavariae Regi
a consiliis intimis, qui inde a quinquaginta annis Societati
nostrae adscriptus eidem dupli modo inseruire studuit:
dissertationibus inquam doctissimis, quae commentariis no-
stris insertae leguntur, et numerosis symbolis, quibus Re-
census Gottingenses litterarios ad crudam usque viridemque
senectam ditauit.

E classis vero historico-philologicae sodalibus exteris
decesserunt a XXIX.

Henr. Gregoire antehac Blesae episcopus, Senatorque
regni Gallici;

Paul. Gregorii fil. de Demidoff Imperatoris Russia-
rum status publici consiliarius;

Petr. Daru consiliarius status Francici et praefectus summus Palatii;

a. XXX. *Fridericus Münter*, Seelandiae episcopus.

Paschal. Fr. Jos. Gosselin, conseruator antiquorum numorum et gemmarum bibliothecae Regiae Parisinae; et *Jac. Rennell* Reg. Soc. scientiar. Londinensis et acad. Paris. sodalis.

Amicorum vero et familiarium Societatis numerus his annis imminutus est obitu

et quidem a. XXVIII. *Franc. Jos. Gall*, medici Parisini;

Wasil. Mich. Sewergin in acad. Petropolitana Professoris mineralogiae;

Aug. C. Jos. de Vivere Gandaviensis qui Romae degebat;

Guil. Belcombe medici Eboracensis;

a. XXIX. *Jo. Bapt. Gail*, Professoris litterarum Graec. in collegio Francico Parisiaco;

Grim. Jo. Thorkelin, Prof. Hauniensis;

Gust. Knös, Prof. adiuncti Upsaliensis;

Jo. Pasquich, Prof. emeriti Pestinensis;

a. XXX. *Jo. Theoph. Fr. Bohnenberger*, Prof. astronomiae Tubingae;

Franc. Rubr. Reuss, medici principis Lobkovicensis Bilini Bohemiae;

Franc. Tantini, Professoris honorarii medicinae in academia Pisana;

Beni. Constantis de Rebecque, deputati ad cameram Parisinam;

a. vero XXXI. *Jos. Aug. Schultes*, Professoris physices et botanices uniuersitatis Landshutensis;

P R A E F A T I O.

VIII

et *Jos. Rehmann*, Russiae Imperatori a consiliis status et archiatri primarii.

Commentationes a sodalibus societatis his annis lectae aut exhibitae sunt:

a. XXVII. m. Nov. *Tychsen* in chartam donationis librorum a Brunone sacerdote ecclesiae Hildesiensi factae Sec. XII. *Götting.* Anz. 1827. pag. 2001.

a. XXVIII. m. Ian. *Heeren* de Ceylone insula, per viginti fere saecula communi terrarum mariumque australium Emporio. *Ib.* 1828. pag. 265.

m. Iul. *Mayeri* determinatio quantitatis absolutae caloris in dato corpore contenti. *Ib.* pag. 1289.

m. Sept. *Blumenbach* et *Heeren* memoriae defunctorum sodalium, Bouterweckii et Sartorii L. B. de Waltershausen. *Ib.* pag. 1497.

m. Oct. *Mende* de partu arte praematro, auxiliisque quibus perficitur. *Ib.* pag. 1761.

m. Nov. *Conradi* de bronchitidis historia et diagnosi. *Ib.* pag. 2017.

a. XXIX. m. Iul. *Müller* commentatio, qua Myrinae Amazonis in Museo Vaticano asseruatum signum Phidiacum explicatur. *Ib.* 1829. pag. 1249.

m. Sept. *Gauß* principia generalia theoriae figurae fluidorum in statu aequilibrii. *Ib.* pag. 1641.

m. Nov. *Hausmann* de Hispaniae constitutione geognostica. *Ib.* pag. 1961.

a. XXX. m. Apr. *Schrader* de varia plantarum propagatione absque praeuia foecundatione. *Ib.* 1830. pag. 609.

m. Mai *Conradi* de quibusdam febris speciebus, earumque ad inflammations et ulcerarum relatione. *Ib.* pag. 969.

m. Iul. *Himly* de quibusdam curationis symblephari emendationibus. *Ib.* pag. 1225.

- m. Nov. *Heeren* commercia urbis Palmyrae, vicinarumque vrbium, ex monumentis et inscriptionibus illustrata. *Götting. gel. Anz.* pag. 1985.
- a. XXXI. m. Apr. *Gauss* theoria residuorum biquadraticorum, commentatio secunda. *Ib.* 1831. pag. 625.
- m. Mai. *Blumenbach* memoria Mayeri. *Ib.* pag. 801.
- m. Iul. *Hausmann* de Romanorum molis frumentariis. *Ib.* pag. 1265.
- Eod. m. *Müller* de origine pictorum vasorum, quae per hos annos in Etruriae agris, quos olim Volcientes tenuere, effossa sunt. *Ib.* pag. 1321.
- m. Nov. *Tychsen* de inscriptionibus arabicis in Hispania repertis. *Ib.* pag. 2009.

* * *

Verum collegae ordinarii praeter has commentationes sequentia quoque in concessibus Societatis obtulerunt:

Stromeyer et Hausmann super Datolithe. *Ib.* 1828. pag. 81.
Tychsen obseruationes circa copiam numorum argenteorum Seculi XVII. Germanicorum et Helueticorum nuper Gottingae erutorum, tumque et super numis quibusdam Graeciae veteris sub Alexandro M. *Ib.* 1829. pag. 2001.

Hausmann de memorabilibus phaenomenis oxydationis in numis istis Germanicis ab eo exploratis. *Ib.* pag. 2005.

Stromeyer de acido pyrophosphorico. *Ib.* 1830. pag. 105.
Heeren symbolae ad comparationem epidemiae luis pestilentis, quae Saec. XIV. medio ex India orientali in Europam translata nomine mortis nigrae tunc temporis innotuerat, cum nupera cholera Indica. *Ib.* pag. 1961.

Hausmann bina studia geognostica Hispaniae, speciatim rupis Calpetanae. *Ib.* 1831. pag. 969.

Stromeyer et Hausmann de Krokydolithe asbestino noua fossilium ex australi Africa specie. *Ib.* pag. 1585.

* * *

Praeter hos vero et alii viri docti sodalitio nostro sequentia obtulerunt:

et quidem *Ed. Schmidt* philos. Dr. (qui nuper Tubingam vocatus

Prof. physices ante diem obiit) theoriam de resistentia aëris aduersus corpora quae in eo mouentur. *Götting. gel. Anz.* 1829. pag. 169.

Sam. Th. Soemmerring censuram cranioscopiae Dris *Gall.* *Ib.* 1829. pag. 49.

N. Wolff, architect. Cassellan., de ratione et methodo studii architectonici. *Ib.* pag. 801.

L. a Breithaupt, tribun. locum tenens Würtemberg., de chemica pulueris pyrii indole. *Ib.* pag. 1281.

C. M. Marx, Prof. physic. Brunsu., de physicis et opticis qualitatibus natri nitrici. *Ib.* pag. 1737.

Fr. Heeren, philos. Dr. iamque in schola polytechnica Hannouerana magister chemiae et technologiae, de natura pigmentorum in *Roccella tinctoria* et *Lecanora tartarea*. *Ib.* pag. 1401.

C. E. Gerling, Prof. Marburg., de aurora boreali ibi ab ipso obseruata. *Ib.* 1831. pag. 321.

m. Febr. XXXI. nomine Serenissimi Britanniarum Principis *Ducis Sussexiae*, Praesidis Regiae Societatis Londinensis, nuuciatur nostro Sodalitio, esse Ipsi in optato vt vtraque Regia Societas, Londinensis cui praeest, et Gottingensis, quae Praesidem suum veneratur fratrem eius, Serenissimum Cantabrigiae *Ducem*, Vices Regias in terris Hannoueranis obtainentem, mutuis communicationibus laborum suorum studia, quibus vtrumque sodalitium dicatum est, adiuuet.

Götting. gel. Anz. 1831. pag. 457.

* * *

Iam nunc de quaestionibus nuperis a Societate propositis.

A. *quaestiones primariae*; et in his
in Nouembrem a. XXVIII. a *classe mathematica*:

Cum tabulae emortuales, quae basin quasi arithmeticæ politicae constituunt, ab eo quidem inde tempore quo variolarum vaccinarum in-

sitio in usum versa est, longe alias quam antea progressiones exhibeant, desiderat R. S., ut tabulae istae eo respectu in quadam provincia, decies ad minimum centenorum millium incolarum, inde ab initio huius saeculi de novo, quantum ex datis, quinque lustra complectentibus fieri potest, accuratissime reformatur.

Missa utique est Societati commentatio super eo argu-
mento, reapse quidem laude digna, quae vero nullatenus
ad praemium adspirare potuit, cum auctor eius contra om-
nem statutorum legem, imo vero naturam, nomen suum in
antecessum nude declarauerit.

In Nouembrem a. XXIX. a. classe historico-philologica:

Exponatur historia systematum chronologicorum, quae Graeci inde a temporibus Logographorum usque ad Eusebium, maxime viri litterati Alexandrini, composuerunt; in qua potissimum ad fontes, ex quibus ii temporum indicationes hauserunt, atque ad rationes et calculos, quos computationibus suis fundamento posuerunt, attendendum est.

Reddita nobis est non nisi vna commentatio notata lem-
mate: *Tempora cum causis*, quae vero quaestionem pro-
positam tam docte tractauit, ut ex vnanimi sodalitii con-
sensu praemium ferret, cuius auctor scheda soluta innotuit

Carolus Hoeck Professor Gottingensis.

In Nouembrem a. XXX. a physica classe:

*De D. Ciualis methodo calculorum demisso in vrinae iter instru-
mento, quod Lithotriteur nominatur, in vesica vrinaria comminuen-
torum, et ex illa fragmentorum forcipe extrahendorum, quid iudican-
dum sit? — utrum Lithotomia nunc carere possimus, aut non? Si
non, — quando isti methodo nouae? quando Lithotomiae locus sit?*

Binae commentationes in iudicium submissae sunt; altera
inscripta verbis: *in medio virtus*; altera symbolo: *noui
veteribus iungendi*. Ex his posteriorem viciisse prio-

rem iudicauit Societas *), ipsique praemium L aureorum Ducatorum adiudicauit; cuius auctorem se professus est F. G. Boisseon med. Dr. facultatis Parisinae, cum laude vero accessit auctor prioris dissertationis, hactenus anonymus.

In Nouembrem a. XXXI. a classe mathematica:

Quaeritur adhuc in astronomia practica modus determinandi aciem lucis corporum coelestium, siquidem methodi hactenus eo scopo propositae parum ei satisfecerunt.

Cum vero non uno respectu utilissimum foret, diuersas gradationes lucis stellarum et mutationes, quibus obnoxia est, certo et facile diiudicare, desiderat R. S. noua curatis explicationibus illustrata consilia ad tales principiis photometricis nixos apparatus, quorum ope diuersi gradus luminis fixarum certo, conuenienter et faciliter diiudicari et determinari possint, ita ut ex plena expositione obseruationum et quae exin sequuntur consecutariorum in stellis diuersae magnitudinis demonstratorum, certum in istis apparatibus dignoscere et diiudicare liceat.

Etsi responsum est ad quaestionem binis scriptio[n]ibus, de quibus agitur in *Gött. gel. Anz.* 1831. pag. 1994 sq., necesse tamen visum est eam denuo proponere in annum XXXIV. *ib.* pag. 1951.

In Nouembrem a. XXXII. a classe historico-philologica.

Cum nostra aetate insigniter aucto litterarum orientalium studio et indies patescentibus novis thesauris orientis litterariis, haud parum intersit nosse, quid occidenti debeat oriens, optat S. R., ut colligantur notitiae de versionibus auctorum Graecorum Syriacis, Arabicis, Armenicis, Persicis, quarum versionum historia accurata adhuc carremus.

Doceatur igitur, quinam libri, in quam linguam, a quibusnam et quo tempore e Graeco translati sint. Porro an exstant, et ubinam harum

*) *Gött. gel. Anz.* 1830. pag. 1924.

versionum exempla manuscripta. Editiones denique quae extant, accurate recenseantur.

Vnica quidem Societati missa est super eo argumento commentatio, quae vero tanta doctrinae copia et diligentia iudicibus se commendauit, vt praemium iure meritoque tulerit eius auctor

Joannes Georgius Wenrich

in instituto theologico Aug. et Helv. Conf. addicto. Vindobonensi litterarum biblicarum Prof. P. O. cf. pluribus *Gött. gel. Anz.* 1832. pag. 2027 sq.

Restat nunc commemoratio quaestionum vtriusque generis in futuros annos a Societate propositarum.

Et quidem quod *primarias* attinet:

In m. Nouembrem a. XXXIII. a *classe physica* constituta:

Vt gastromalaciae ratio accuratius exploretur atque certis observationibus adhibitis exponatur, quatenus fere illam post mortem demum oriri, aut quatenus per morbum quendam effici vel morbum saltem aliquid ad illam dignendam conferre ponendum sit, tum quaenam eius morbi conditio sit, quibus indiciis cognosci et quam curationem recipere possit.

In Nouembrem a. XXXIV. a *classe mathematica* repetita
quam iam diximus quaestio.

In eundem vero mensem a. XXXV. noua promulgatur a
classe historico-philologica:

Quaeritur quae fuerint Arabum commercia et terrestria et maritima per Asiam, Africam et Europam orientalem, florente Abassidarum imperio, saeculo maxime aerae nostrae octauo, nono et decimo. Doceantur.

tur quae fuerit eorum ratio, quae sedes, quae merces, quae viae; addita tabula geographica, in qua mercatorum itinera designentur.

* * *

Constitutum est in singulas quaestiones commentationi victrici praemium L aureorum ducatorum; missae autem sunt Societati commentationes ante exitum M. Septembris.

* * *

Quaestiones autem *oeconomici* argumenti inde ab a. XXX. propositae sunt sequentes:

et quidem in m. Iulium istius anni:

"Welche Einrichtung müssen technische Lehranstalten (sogenannte polytechnische Institute, Gewerbschulen, Handwerksschulen) haben, damit sie ihren Zweck, eine angemessene, theoretisch-practische Ausbildung der Gewerbtreibenden zu bewirken, bestmöglichst erfüllen können?"

De optima ratione institutorum ut vocantur polytechnicorum similiumque ad erudiendos tirones opificum.

Inter septenas Societati super hac quaestione oblatas scriptiones, de quibus iudicium expositum est in *Gött. gel. Anz.* istius anni pag. 1226 sq. praemia tulere binae: altera auctore H. Gottl. Köhler philos. Doctore, Gottingae privatim docente,

altera Leon. Bergmann architecto Verdensi.

In m. vero Nouembrem eiusdem anni:

Eine möglichst vollständige und auf, auch in andern Ländern gemachte Erfahrungen gegründete Anleitung, wie die natürlichen und künstlichen Schafweiden am besten zu cultiviren und zu verbessern, und wie die letzteren in unserem Clima am vortheilhaftesten anzulegen sind?

de pascuis ouiariis nostro sub coelo perfectius reddendis.

Praemium tulit Chr. L. B. de Hammerstein in exercitu Regio Praefectus Locumtenens; idem cui et a. XXV. aliud praemium decretum est. (v. harum Commentationum Vol. VI. praefat. p. XVI.).

B. Quaestiones vero *oeconomici* argumenti in proximos annos promulgatae sunt:

et quidem in Iulium a. xxxi.

Eine vollständige Darstellung und auf Erfahrungen gegründete Prüfung der Methoden, welche man in verschiedenen Ländern und Gegenden bey der Knochendüngung anwendet.

Censura diuersarum methodorum agros ossium ope laetificandi.
pluribus cf. *Gött. gel. Anz.* 1830. pag. 1933.

In Nouembrem eiusdem anni:

Eine gründliche Erörterung der Mängel, die sich in den mehrsten Gegenden von Norddeutschland bey dem Flachsbau finden, nebst Angabe der Maassregeln, wodurch derselbe wesentlich verbessert werden könnte, um das zu erzielende Product der Güte des in den Niederlanden gewonnenen, möglichst zu nähern.

De emendanda cultura lini vsitatissimi in Germania septentrionali.
v. *gel. Anz.* 1830. pag. 1934.

In m. Iul. a. xxxii.

*Welches sind, unter besonderer Berücksichtigung des Bodens und der Oertlichkeit der Insel Wilhelmsburg und der umliegenden Marschgegenden, die wirksamsten, im Grossen ausführbaren Mittel, um dem Gedeihen des Duwocks (*Equiseti L.*) und seinem weiteren Fortschreiten mit Erfolg entgegen zu wirken?*

*de minuenda nocua propagine et incremento *Equiseti*, praesertim in insula Wilhelmsburg.*

v. *gel. Anz.* 1830. pag. 1935 sq.

P R A E F A T I O.

XVI

In m. Nov. ei. anni.

Ist unter den gegenwärtigen Verhältnissen im Königreich Hannover die Fabrication von Runkelrübenzucker mit Vortheil auszuführen, und, wenn dieses der Fall seyn sollte, welche Einrichtungen sind zu treffen, um sie mit der Landwirthschaft in zweckmässige Verbindung zu bringen und den grösstmöglichen Vortheil dadurch zu erlangen?

An et quomodo fabricatio sacchari ex beta altissima terris quoque Hannoueranis conueniat?

gel. Anz. 1830. pag. 1937.

In m. Jul. a. XXXIII.

Eine gründliche Untersuchung der Natur und Entstehungsart des Rostes und Brandes am Getreide und an andern Culturgewächsen, nebst Angabe der Mittel, welche dagegen im Grossen mit Erfolg anzuwenden sind.

de ortu et natura Vredinis tam linearis quam segetum et remedis ad nimiam earum propaginem impediendam.

gel. Anz. 1831. pag. 1206 sq.

* * *

Constitutum est vnicuique commentationi victri ci prae-
mium XII aureorum ducatorum. Missae vero sunt o quae
admitti volent, ante Kal. Iunias vel Octobres dictorum an-
norum.

Scripsi Feriis Pentecostalibus MDCCCXXXII.

JO. FRID. BLUMENBACH.

I N D E X

COMMENTATIONUM RECENTIORUM

V O L U M I N I S S E P T I M I.

Praefatio <i>Jo. Frid. Blumenbachii</i>	Pag. III-XVI
COMMENTATIONES CLASSIS PHYSICAE.	
<i>Jo. Frid. Lud. Hausmann</i> , de origine saxorum, per Germaniae septemtrionalis regiones arenosas dispersorum	3
<i>Lud. Jul. Casp. Mende</i> , de partu arte praematro, auxiliisque quibus perficitur	35
<i>Jo. Guil. Henr. Conradi</i> , de bronchitidis historia et diagnosi	53
<i>Jo. Frid. Lud. Hausmann</i> , de Hispaniae constitutione geognostica	69
<i>Jo. Guil. Henr. Conradi</i> , animaduersiones medicinales de febris, praesertim neruosa, ad inflammationes et vlcera intestinalium relatione	91
<i>Henr. Ad. Schrader</i> , analecta ad floram Capensem	101
COMMENTATIONES CLASSIS MATHEMATICAEC.	
<i>Jo. Tob. Mayer</i> , determinatio quantitatis absolutae caloris, in dato corpore contenti	3
<i>C. Frid. Gauss</i> , principia generalia theoriae figurae fluidorum in statu aequilibrii	39
<i>Ei. theoria residuorum biquadraticorum. Comm. II.</i>	89
<i>Jo. Frid. Blumenbach</i> , memoria Mayeri.	149

COMMENTATIONES CLASSIS HISTORICAE ET
PHILOLOGICAE.

- Th. Chr. Tychsen*, de charta donationis librorum ecclesiae Hildesiensi Seculo XII. a Brunone Sacerdote, Episcopo, factae Pag. 3
- A. H. L. Heeren*, de Ceylone insula, per viginti fere Saecula communi terrarum mariumque australium emporio 19
- Ei. de commerciis vrbis Palmyrae vicinarumque vrbium, ex monumentis et inscriptionibus illustratis* 39
- C. Odofr. Müller*, Comm. qua Myrinae Amazonis quod in museo Vaticano seruatur signum Phidiacum explicatur 59
- Ei. de origine pictorum vasorum, quae per hos annos in Etruriae agris, quos olim Volcientes tenuere, effossa sunt* 77
- Th. Chr. Tychsen*, de inscriptionibus Arabicis in Hispania repertis 119
- Jo. Frid. Blumenbach*, memoria Friderici Bouterwek.
- A. H. L. Heeren*, memoria G. Sartorii L. B. de Waltershausen.
-

TABULAE AERI INCISAE HAE SUNT:

Ad commentationes physicas.

- Mende* de partu arte praematro etc. Tab. I.
Schrader Analecta ad floram Capensem Tab. I - IV.

Ad commentationes historico - philologicas.

- Müller* Myrinae Amazonis signum Phidiacum Tab. I.
Tychsen inscriptiones Arabicae explicatae Tab. I. II.